

Wie sich die Weiber/ für/ inn/ vnd
mit den schwangern/ ob sie auch wol das
leben verwircket/ nichts vnterfahen für
zu nemmen/ bisz das sie ihrer bürden losz
werden/ wie auch die Iudices Areopagitæ
daruon Elianus schreibet/ gethan/ da
inen eine Zäuberin schweres Leibes für
kommen/ die des Todes schuldig/ haben
sie ihr kein leynd widerfahren lassen/ bisz
das sie irer schweren bürde losz worden/
da sie aber geboren hat/ haben sie das vns
schuldige Kindlein von allen/ wie billich
ledig vnd losz gesprochen/ vnd jr/ jr rechte
thun lassen. Widerumb aber die / so vns
barmhertzig mit den schwangern umbge
hen/haben kein mit leynden mit inen/schla
gen vñ würgen in sie one alle gnade / das
sind nit menschen / sondern rechte Teuf
fel/ die der Teuffel leibhafftig besessen/
den wenn sie eines Menschen hertz / vnd
eine ehrlliche Alder in irem Leib hetten / so
theten sie solchs nicht. Ah lieber Gott/
thut man doch einem vnvernünfftigen
Bihe das trechtig ist vngern ein leynd /
Das